



TENTANG LAPORAN INI

Laporan Tahunan Bersepadu (LTB atau Laporan) Ketiga Kumpulan Wang Simpanan Pekerja (KWSP) ini bertujuan untuk memberikan gambaran keseluruhan dan pemahaman tentang prestasinya untuk tahun kalendar 2023 (1 Januari 2023 hingga 31 Disember 2023).

> TUJUAN

Pada tahun ketiga penerbitannya, LTB2023 ini bertujuan untuk memberikan gambaran mengenai prestasi KWSP bagi tahun kalendar 2023 (1 Januari 2023 hingga 31 Disember 2023). Laporan ini menggariskan inisiatif KWSP untuk melindungi dan meningkatkan dana persaraan ahli. Sepanjang tahun 2023, KWSP telah meneruskan perjalanannya dalam Laporan Bersepadu (IR) dengan tujuan untuk meningkatkan prosedur pelaporannya.

Dalam usaha mencipta nilai jangka pendek, sederhana, dan panjang, KWSP berhasrat untuk menyediakan penilaian yang lebih telus dan menyeluruh mengenai strategi, tadbir urus, prestasi, dan prospeknya dalam persekitaran luaran yang lebih meluas. Selain dari aspek pelaporan, KWSP bertekad untuk membantu ahli memastikan masa hadapan yang lebih stabil melalui fokus berterusan terhadap perkhidmatan yang cemerlang, memperkukuh daya tahan pelaburan dan mengamalkan amalan lestari demi kepentingan semua pihak berkepentingan dalam jangka masa panjang.

> SKOP

KWSP ialah badan berkanun persekutuan di bawah bidang kuasa Kementerian Kewangan dan diberi mandat untuk menguruskan simpanan persaraan tenaga kerja di Malaysia mengikut Akta KWSP 1991.

Laporan ini memberikan gambaran keseluruhan mengenai prestasi kewangan dan bukan kewangan KWSP pada tahun 2023 merentasi semua operasinya, serta pandangannya untuk jangka pendek, sederhana, dan panjang. Ia bertujuan untuk memaklumkan pihak berkepentingan tentang proses penciptaan nilai KWSP secara telus dan menyeluruh.

> RANGKA KERJA PELAPORAN

Laporan ini dan penyata-penyata kewangan telah disediakan mengikut:

- Rangka Kerja Pelaporan Bersepadu (IR) oleh International Integrated Reporting Council (IIRC);
- Akta KWSP 1991;
- Piawaian Pelaporan Kewangan Malaysia (MFRS);
- Piawaian Pelaporan Kewangan Antarabangsa (IFRS); dan
- Piawaian Inisiatif Pelaporan Global (GRI).

> PERNYATAAN LEMBAGA

Ahli Lembaga KWSP bertanggungjawab ke atas integriti Laporan ini dan mendapati bahawa kandungan Laporan ini adalah berdasarkan fakta dan melaporkan prestasi KWSP dengan wajar bagi tahun 2023.

> KENYATAAN PANDANGAN KE HADAPAN

Laporan ini merangkumi perbincangan mengenai prestasi perniagaan dan kewangan KWSP melalui kenyataan pandang ke hadapan, yang melibatkan risiko dan ketidakpastian berkaitan dengan peristiwa serta keadaan masa hadapan yang mungkin atau mungkin tidak berlaku. Semua kenyataan pandang ke hadapan yang disampaikan adalah berdasarkan kedudukan semasa KWSP, trajektori yang dijangkakan, dan maklumat yang tersedia pada masa ini.

PETUNJUK DAN IKON



Kami menasaskan untuk menghasilkan laporan yang interaktif, menarik dan mudah difahami. Untuk membantu pembaca menavigasi Laporan ini, KWSP telah menggunakan ikon navigasi berikut yang menekankan pelaporan kami mengenai enam (6) modal penciptaan nilai seperti yang digariskan dalam Rangka Kerja IR, serta perkara material yang mempengaruhi proses penciptaan nilai kami:

Enam Modal

- MK** Modal Kewangan
- MI** Modal Insan
- MIT** Modal Intelektual
- MP** Modal Pembuatan
- SH** Modal Sosial dan Hubungan
- MSJ** Modal Semula Jadi

Pihak Berkepentingan

- S1** Ahli
- S2** Lembaga, Panel Pelaburan dan Jawatankuasa Penasihat Syariah
- S3** Kerajaan dan Badan Kawal Selia
- S4** Majikan
- S5** Kakitangan KWSP
- S6** Syarikat Penerima Pelaburan
- S7** Rakan Niaga
- S8** Komuniti Tempatan

Perkara Material

- M1** Jaminan Pendapatan Persaraan
 - M2** Liputan KWSP dan Sokongan Ahli
 - M3** Pembentukan Polisi dan Penglibatan Kawal Selia
 - M4** Literasi Kewangan
 - M5** Gaji Saksama dan Wajar
 - M6** Peluang Pekerjaan Bernilai Tinggi
 - M7** Kesan Sosial yang Lebih Besar
 - M8** Pelepasan GHG Organisasi
 - M9** Penggunaan dan Pengurusan Sisa yang Bertanggungjawab
 - M10** Liputan Hijau
 - M11** Peningkatan Kemahiran KWSP
 - M12** Kesihatan dan Kesejahteraan Kakitangan
 - M13** Amalan Pekerjaan yang Adil dan Inklusif
 - M14** Prestasi Kewangan
 - M15** Pelaburan Lestari
 - M16** Ketelusan, Etika Perniagaan dan Anti-rasuah
 - M17** Pendigitalan, Inovasi dan Keselamatan Siber
 - M18** Pengalaman dan Penglibatan Pelanggan
 - M19** Pengurusan Rantaian Bekalan yang Lestari
- Memangkin Kehidupan dan Mata Pencarian yang Lebih Baik
 ● Memaksimumkan Potensi Modal Insan
- Mendorong Tindakan Iklim
 ● Mengekalkan Pertumbuhan dan Tadbir Urus

MAKLUM BALAS

KWSP memberi tumpuan untuk membina keyakinan dan hubungan telus dengan pihak berkepentingannya. Sekiranya anda mempunyai maklum balas dan/atau pertanyaan mengenai kandungan Laporan ini, sila hubungi Pusat Pengurusan Perhubungan KWSP di

Tel : +603 8922 6000

Web : www.kwsp.gov.my

